



CLaudius ex honesta Peutingerorum fami-
lia Augustæ natus & educatus est. Is post pri-
ma artium & linguarum fundamenta in patria sœ-
liciter percepta, sese hinc inde ad Academias con-
tulit, atque Erasmo Roterodamo familiaris exi-
stens, in primis Iuris studio diligenter incubuit. I-
taque factum ut omnium consensu Iuris Doctor
crearetur. Postea Claudius in patriam rediit, at-
que urbis Augustæ syndicus constitutus fuit. eam
functionem is magna laude administrauit, atque
eam rempublicam suis uirtutibus plurimum exor-
nauit. Hinc etiam anno Domini millesimo quin-
gentesimo tricesimo septimo, cum Augustani re-

ligionem mutassent, atque Protestantes ad Carolum Cæsarem honestam Le-
gationem in Italiam mittere statuissent, hic Claudius præ cæteris cum Ioachi-
mo Pappenheimio & Ludouico Bambacho electus fuit, atque suam legatio-
nem apud Imperatorem magna laude expediuit. Pari ratione & reliqua ne-
gotia reipublicæ singulari dexteritate perfecit ac ut omnia ordine fierent, suis
consilijs author fuit. Hinc factum cum Carolus Cæsar uictor, Anno millesi-
mo quingentesimo quadragesimo octauo Augustanum Senatum mutaret,
atq; senatorum numerum in arctum cōtraheret, ut Peutingeros, cum quibus-
dam alijs antiquis & honestis familijs elegerit, & rerum gubernacula commi-
serit. Vnde Peutingerorum gloria etiam apud posteros celebris cognosce-
tur. Anon.